



UNIVERSITÄTS-  
BIBLIOTHEK  
PADERBORN

**Nicolai Svsii E Societate Iesv Opvcvla Litteraria**

**Suys, Nicolas**

**Antverpiae, 1620**

XI. Præsentatio B. V.

---

[urn:nbn:de:hbz:466:1-69342](#)

Te duce victa meum mandit natura lupatum,  
 Et patet indomitis ianua clausa seris.  
 Illius aureolis ostentant atria seris, —  
 Quidquid habet tellus, quidquid & orbis habet.  
 Inuia nulla oculos arcent penetralia nostros,  
 Neptuni domus est nota Stygisq; domus.  
 Cælum adij, stellasq; vagas, & fixa coëgi  
 Sidera sub numeros ire superba meos.  
 Non opus aëriæ est imponere Pelion Ossa,  
 Mente polos licuit visere, mente Deum.  
 Ultra etiam cælos vacuum per inane Tonantem  
 Quæsiui, & reperi: non via facta via est.  
 Omnia perlustrans vnam super omnia amavi;  
 Nil tibi præposui composuiq; nihil.  
 Vni cede Deo, cedent tibi cætera Virgo,  
 Matre suâ melius nil Deus esse cupit.  
 Virgo, cui saliunt festo mea pectora plausu,  
 Hæc tibi erunt templum, cor erit ara tibi,  
 Sic vroueo, votiq; libens hac symbola pango,  
 Quæ tibi me nexu non moriente ligent.

## ELEGIA XI.

Præsentatio B. Virginis.

**B**rum apruinoso torpebat lurida canos,  
 Atque pigro stabant flumina vincitæ gelu.  
 Pallidus & Phœbus caudam metuebat aduncam,  
 Frigore quâ rabidus Scorpius vrit agros.  
 Præpete per vacuum rapior sublime volatu,  
 Cum j; viâ fugiunt me quoque signa viae.

Mox

Mox Solyma sistor celsa peregrinus in urbe,  
 Qua radiant sacra tecta superba domus.  
 Necdum firmaram stabili vestigia gressu,  
 Cum noua pompa inuenit ante oculos.  
 Progreditur niuea vegetusq; valensq; senecta,  
 Augusta regem fronte oculisq; gerens.  
 Roboreus validam fulcibat scipio dextram,  
 Hec hilari grauitas non temeranda seni.  
 Vestis erat qualem non dignetur Apelles  
 Fingere longaeui Nestoris esse togam.  
 Sacra velut quercus luco spectabilis imo  
 Horrificis staret non violanda comis:  
 Sic nemorosa seni, nulliq; obnoxia ferro,  
 Vestibat roseas barba verenda genas.  
 Ponè subit coniux, canis licet obsita sacriss;  
 Virginicus nondum liquerat ora pudor.  
 Si qua foret ruga, hec illam quoque ruga decebat:  
 Si quis erat natus, causa decoris erat.  
 Qualis Opem celum per floridarura trahebat,  
 Cum noua, cumq; recens condita terra fuit.  
 Qualis cum primis arderent sidera flammis,  
 Aurea Saturnus duxit ad astra Rheam.  
 Qualis & ipse sua gaudebat Olympius Hera,  
 Nequitijs etas dum negat alba locum.  
 Tabula si qua potest veros tibi ponere vultus,  
 Talis erat nostri pompa decusq; chori.  
 Parua sequebatur matrem vix trimula virgo  
 Arripiens tenera pensile syrma manu;  
 Vix signabat humum tenero pede, vix bene norat  
 Quo librare potis mollia membra gradu.

At

Attamen illa meas rapuit tam parua medullas,  
Illa mihi penitas usit amore fibras.  
Perq; mea aetherius subito liquefacta cucurrit  
Ossa calor. totus non nisi flamma fui.  
Qui frontis radij quantum fuit instar in ore!  
Ipse suo attonitus Phœbus in axe stetit,  
Quadrupedumq; ferox vndantia lora retentans  
Igniuomo è curru desiliisse velit.  
Nil mortale gerit facies dignissima cælo,  
Clarius Erigones fulgeret illa loco.  
Leniter ad cælum plavidos tollebat ocellos:  
In tenero clausum pectore numen erat.  
Exsilensq; foras blandè, sursumq; coruscans  
Astra sua & meritis non aliena petit.  
Palla decens humeros circumvolitabat eburnos:  
Mordebat castos zona pudica sinu.  
Candida vestis erat nullo medicata veneno,  
Contrà reor victas erubuisse niues;  
Vel cretam inuidiâ, vel lac mutasse colorem;  
Lilia vel foliis displicuisse nouis.  
Cæsaries per colla fluens humerosq; sinuq;  
Suaue iocos Boreæ deliciasq; dabat.  
Tenuia non adeò depeçtunt vellera Seres:  
Non adeò bombyx tenuia fila trahit.  
Nec generosa trucidum Palladi certat Arachne:  
Quilibet aut fuso nata coloq; nurus.  
Sponte nec adscitâ voluit coma laude mereri  
Cælum, Ariadneis dignior exuuijs.  
Virgineis arguta rosis sacra tempora circum  
Florebant gracili texta corona manu.

Panxerat hanc illi genitrix de corde pudico:  
 Vnde innupta sibi mellificar at apis.  
 Ventum erat ad magni veneranda sacraria templi,  
 Fumat vbi eterno victim a multa Deo.  
 Ardua surgebant gradibus ter marmora quinis,  
 Clara Carystaeis marmora lecta iugis.  
 Egreditur mystes sacris penetralibus, & se  
 Visendum auratas præbuit ante fores.  
 Purpureo genitrix vultum depicta pudore,  
 Constitit, & roseis filia parua genis.  
 Pauca pater loquitur, multo sed pondere, verba,  
 Deuotamq; Dei consecrat obsequio.  
 Vix bene finierat solennia verba sacerdos,  
 Voceq; adhuc mutila dixerat, Illa mea est;  
 Emicat, & matri properans & suavia patri,  
 Et matrem & patrem gnata valere iubet.  
 Conscendit sublime adytum. Quam brachia vellem  
 Auxiliatrici sustinuisse manu!  
 Sed pudor, & mæror, sed circum turba retentant,  
 Officiumq; viri Virgo modesta fugit.  
 Proxima iam templo steterat, iam proxima cælo,  
 Molliter & flexo poplite dixit, Aue.  
 Dixit Aue gratum mystis, gratumq; Tonanti;  
 Sed mihi sed reliquis, triste nigrumq; Vale.

## ELEGIA XII.

Spectat cœnam Virginis.

**V**esper erat, currusq; auro flagransq; pyropo  
 Miscebat curis otia lenta suis.

Colla